


西北彙刊

中華郵政掛號
認爲新聞紙類
民國十四年十
月十六日發行

歸化古延壽寺清康熙中重新光緒十三年因火重建宏壯各寺冠額題山陰古剎古字法



* * * * *

* * * * *

第一卷第六期要目

- 影片 歸化古延壽寺
- 研究 移隸與農村經濟
- 評論 勸西北遊牧同胞兼事農墾
- 調查 綏遠農墾調查記
- 計畫 西北農墾計劃私議
- 講演 赴甘官講團宣講稿
- 特載 籌辦西北墾務大綱
- 政聞錄 最可寶貴之時間
- 守約會
- 西北之救國救民大計
- 西北要聞一束
- 國內大事記
- 國外大事記
- 雜俎 詩、詞、格言、遊記、

◎本社啓事

本刊徵集西北風景名勝古蹟照片迭承 京綏路局局長及毛代署長塞北稅關監督豐鎮縣農會溫會長慨贈多枚勝蹟遑遑期共欽賞雅人韻事感謝奚似并望各界有此珍藏或臨時攝照者多多惠寄以便公諸同好禱切盼切

祝詞

察哈爾實業廳長龔柏齡

祝詞一

繫維西北。僻處邊疆。發揚政治。端賴賢良。生聚教養。綱舉目張。德業增進。智慧日昌。宏篇發軔。化被遐荒。啟聾振聵。紀載精詳。金聲玉振。邦家之光。風行草偃。甯在一方。

祝詞二

察哈爾交涉署長包世傑

茫茫禹跡。西極流沙。幽并以北。廣漠無涯。爰有馮公。建牙代北。經之營之。不遺餘力。文翁講學。充國屯田。整軍經武。威震祈連。民治蒸蒸。不遑夙夜。更賴刊詞。宣揚文化。定期彙集。新政名言。介紹事實。俾作輶軒。薄海萬流。競仰綏察。鴻辭永傳。聲比璆憂。

研究

●移墾與農村經濟

競存

余前草湘民移墾計劃書（刊入第二期）係以個人之感想。謀羣衆之利益。其主旨係利他主義。其目的係欲使大家有飯吃。其手段欲以最少之資本勞力。企圖最多之收穫。而有合於經濟原則。謬承各界人士。同聲贊許。認爲事實上坐而言者即可起而行。惟頃閱湘省各報。及故鄉來書。多言本年湘災。爲從古所未有。雖湘省素號卑濕多雨之澤國。今獨自夏徂秋。時踰六月。舉七十餘縣。或全未一雨。或僅微雨一二次。致全省水泉涸竭。田園龜裂。赤地千里。百谷枯萎。夥粒無收。卽來歲之種籽。亦必赴他區求之。遑問能果吾人之腹。且不獨無米可食。抑亦無水可飲。數千萬飢渴待斃之災黎。更安有數百元之巨款。可携以逃生於數千里外。至受塵西北且耕種以自活乎。余離湘頗久。初不慮其災害之至是。徬徨瞻眙者久之。幾束手而無善策。謂不設法使逃生異地耶。則坐視其委填溝壑。未免有乖人道。謂將農民移之於西北樂土耶。則又無款足以達最後目的。今強欲於萬死之中。求一生之計。則惟於湘農之經濟組織。不得

不籌一最良之法。以補苴而救濟之。求副最後之圓滿希望而已。

經濟上之生產力有三要素。曰土地。曰勞力。曰資本。今土地問題。幸有西北當局。本民生之主義。實行社會之政策。舉西北最膏腴之河套一帶。悉出以招徠各省農民。一夫授田百畝。賜宅一區。且予以種種優待。創設教育。提倡自治。（參照特載欄）雖較昔美國之開發西北。其獎勵移墾之法。殆猶遠過之。更非漢唐明之徒侈言移民實邊者。所可同日語焉者已。是土地要素。實爲今湘民絕無僅有之極樂國也。

若勞力問題。則更無須攷慮。湘省素以農著稱。兩湖熟天下足之諺。卽其明証。惟近因人口過剩。加以天災人禍。年年鬧荒。不有尾閭人滿之患。將何以遂其生存權。按湘省人口三千餘萬。女去其半。男尙一千餘萬。老弱又各去其半。壯者猶五百餘萬。此五百萬之壯丁。照中國人口職業統計。農業占百分之八十五計之。亦且四百餘萬。今不幸迭遭奇災。大多數之農民。久苦稅駕無所。或早散而之他。今苟籌有的款以補助之。則必有爭先恐後。不難輕去其鄉以適樂土者。是此過剩之勞力。正可利用之以開闢西北廣漠無垠之曠土。而兩得其調劑。此又勞力之不成爲問題也。

至資本問題。中國既無大農制度。不必利用機械。爲大規模之組織。是固無需乎資本主義。惟以湘農之公私破產。十室九空。卽此最低限度之區區數百元。亦實無力足以取給。故苟不爲籌有公款。則真正農民。將無移墾之可能性。而必爲資本家所占有。不獨爲西北當局所不許可。抑亦非余輩所主張。然果籌有公款。則真正農民。恐又反無移墾之機會。而將爲普通長衫隊所壟斷。此又將蹈某省移墾覆轍。而結果必至農者未移。移者非農。而終於失敗。此尤當預防之事也。然則最後之救濟方法。其必取折衷制乎。

歐美各國。對於農村經濟。自十八世紀來。異常注意。且必隨時改良以圖進步。因農民多困於經濟之壓迫。始設種種救濟方法。而各國之農村銀行。不動產抵押銀行。農民經濟組合等。乃爭應時而興。卒促成今日之農村自治。十九世紀中。德國萊氏手創平民銀行。專集的款以低利貸與農民。以實行重農主義。各國仿之。成效大著。其制遂普及於全歐。二十世紀初。且移殖其新勢力於美洲。而美所謂儲貸會。信用合組社。勞工銀行。皆沿其遺制而擴張之者。至一九一六年。美更頒中央農村貸款會。益以政府之力。改良農村經濟狀態。農民得各出其不動產。抵押巨款。利率低廉。分期償還。以資獎勵。又加拿大斯介登氏亦創設平民銀行。專放款於生

產事業。許農民限期清償。并得延期一年。又立馬斯基地方。亦創設農村經濟組合。其貸款用途。專限於購買農具牲畜種籽肥料等。近其制復推行於亞洲之印度日本。印度自一九零四年。政府頒布信用合作社。令各官廳與農民合作。時貸以資本。以防止資本案家之掠奪勞農。且使農業日益改良。而予以實力援助。日本近多改良報德社。採用歐洲平民經濟組合。以期增加生產。扶助貧民。改良耕種。達最後互助合作之目的。及農村經濟事業之發展。據上各國農村之經濟組織及成效觀之。然則湘省農民之移墾。亦何難師其意以急起^直追而善爲之所乎。

海關附加稅^捐專作各省賑款救災之用。已自九月一日起實行。計半年可得五六百萬。湘省特等災區。約可得六七十萬。謂宜劃出一部分。由各方面推舉代表。組設農墾銀號。卽向西北銀行。照章領銷票幣若干。令數十縣之真正農民。凡願北移者。或按額。或掣籤。均得以所領土地。抵借必要費二百餘元。限年攤還。年息一分。款償後。始發還部照。而銀號另以收回之款。分期以次移民。周而復始。多多益善。限若干年。始收回公款。易以農民私款。且獎勵儲蓄。定爲農村自辦之獨立金融機關。苟採用此種辦法。最少有左列之數優點。卽(甲)賑款專用於生產事業。

更勝於以工代賑一也。(乙)根本的移殖過剩人口。向外發展。不至年年鬧荒二也。(丙)採用最新辦法。使真正農民。均有移墾之機會。合於社會政策三也。(丁)以最少之款。而分年能移最多之民。合於經濟原則四也。(戊)各方面均派代表參加。實行財政公開五也。(己)若干年後收回公款。改組私款。足爲農村生產消費組合之金融總機關六也。

天下無不弊之法。惟此法則已風行於歐美亞各國。利獨多而絕少流弊。而吾湘民既不得不移。移又無款足以自給。無償的給以款更多弊害。則舍此固別無良法。吾甚望數千萬之飢民。速起而自決。迫而自救。勿坐失此千載一時之機會。致轉死溝壑而不知北上以圖存。而凡智識階級尤當本其悲憫慈善之念。大聲疾呼。爲此嗷嗷者另闢一可生之路也。

以湘之連年軍旅飢饉。固不得不採用此法。然各省水深火熱。雖不及湘。而農民之貧困。恐亦無數百元之儲積力。足以應移墾之用。則何如亦採用此法之爲愈乎。更望各省之提倡移墾者。亦首研究及之也。

(附)農墾銀號組織大綱

(一)本銀號係仿各國農村銀行及農民經濟組合等制組織而成定名農墾銀號

- (一) 本銀號以移殖湘民提倡勞働改善農村經濟爲主旨
- (二) 本銀號係於湘賑海關附加項下撥洋 萬元爲基金專辦移墾事業
- (三) 本銀號設於綏遠包頭得臨時酌設分號於必要地點
- (四) 本銀號爲便利移民起見每年移送農民若干得由農民用地押款限期償還其章程另定之

(六) 本銀號設左列之經理監理兩部

甲、經理部

總經理一人 經理兼交際一人 出納一人 會計兼文書一人

乙、監理部

監理主任一人 監理若干人

- (七) 經理監理各員由湖南省政府省議會省農會華洋義賑會共推代表若干人旅京湖南籌賑會及農墾合作社共推代表若干人互選組織之
- (八) 右列各員均名譽職但經理出納會計得酌給夫馬費

(九) 本銀號因事務之繁簡得酌用有經驗之雇員一人或二人

(十) 本銀號暫定十二年後得收回公款改募私款歸農墾合作社主辦專為儲蓄及生產消費
組合之金融機關

(十一) 各項規程及細則另定之

(十二) 本大綱如有未盡事宜得隨時公決修正之

(十三) 本大綱自公佈之日施行 (完)

評 論

●勸西北遊牧同胞兼事農墾

宮廷璋

世界民族多已由漁獵時代。經過遊牧時代。進至農業時代。甚或進至工業時代。而吾國西北遊牧民族日愁生計之艱難。仍不肯從事農業。且有反對放墾之聲。殆不信農業之優於遊牧。歟。抑疑人地不宜於稼穡而不敢冒昧嘗試耶。吾擬進而告之曰。游牧固可為業。而兼事農墾。

其益尤多。古人云肉食者鄙。今人言衛生最重蔬食。蓋植物富澱粉。易消化。動物富脂肪。難消化。居寒帶者固宜肉食以保體溫。而生命素及水分則僅能取之於穀類及蔬菜。聞蒙民每以一羊換一斗小米。何如自耕自穫。免受此損失耶。且植物中如苜蓿豆類爲飼料上品。則農業又何損於畜牧耶。此就食料言不可不兼事農墾者一也。西北號多礮确之區。而實則爲古代文化策源地。徒以不加人力。遂漸荒蕪。深耕易耨不行。則土質結緊硬如石塊。水政不修。則無灌溉之利。而田益乾燥。森林不植。則雨量不能保存。而地面沃土。被水洗刷淨盡。糞料不以灌田而以爲燃料。則是不知廢物利用。倘如河套等處之興溝渠。多倫附近之饒樹木。則其地無不可耕者。果以鋤犁掀動之。再加糞草肥潤之。豈非良田乎。此就土性言不可不兼事農墾者二也。同一地域。在漁獵時代養人最少。（每人需三十畝獵場）遊牧時代養人稍衆。（一方英里僅二人至五人遊牧）農業時代養人尤衆。蓋禽獸散處曠野。獵食純賴地面之闊。畜牧則數百千頭可聚養於一處。然逐水草遷徙。則地猶有曠廢之時。若農墾則有定居。無棄地。收穫全恃土質之佳。地面愈闊。則出產加倍。美國昔僅養土人二十五萬。開墾後人口乃達一億。可見開墾與人口之關係。此就人口言不可不兼事農墾者三也。文化隨時代而不同。從遊牧

時代進至農業時代。則雜婚制變爲家族制。酋长制變爲君主制。自然宗教變爲多神教。宗法倫理肇興。私產制度發達。此皆文化進程所不可缺者。今日歐美各國更進一步。以工商爲業。文化因而大有變動。吾國遊牧民族果一躍而入工業時代。誠爲懋舉。然田野未闢。物產未出。則無可製造貿易。生活狀況既異。則與文化高者格格難入。此就文化言不可不兼事農墾者四也。農墾之益如此。而吾國西北遊牧民族猶遲疑不前。或以爲恐人地不相宜。吾請更一解釋之。西北地位不出溫帶。與意西葡等國同緯度。而較德意志坎拿大等均遠偏於南。查德意志地脉氣候初非宜於農業。以國民之努力。政府之保護。灌溉之使利。今日農圃竟比牧場爲廣。坎拿大具大陸性氣候。農業昔惟行於東南地方。今則擴張至於西北部。何中國西北獨不能農墾耶。人皆知冷如甘肅。尙饒產米之區。則暖於甘肅者又何不可農墾耶。此就地理言可以兼事農墾也。若言民性則漢人本不耐沍寒。不習西北水土者。而近年出關租地買糞以開墾者。絡繹於途。今西北遊牧民族自有曠地。自有糞料。而居此既久。體格習慣咸甚適宜。則其從事農業必更爲順利。此就人事言可以兼事農墾也。若懼無耕稼經驗。不敢貿然輕試。則招漢人合作。或遣子弟入農業學校。或設農事試驗場。農具製造廠。從而學之。亦甚易易。且察區

蒙古之八旗三羣。多已與漢人同化而從事農墾。特著成效者。然則大多數遊牧民族之不兼事農墾。非不可也。非不能也。非不敢也。不爲也。今日西北遊牧民族。非有願重價購穀類者乎。非嗟地多荒蕪不治乎。非患人口不甚繁衍乎。非蒙文化幼稚之譏誚乎。農墾皆足以救濟。據地理。察人事。又皆適於農墾。乃狃於積習。不願革新。須知今日非閉關時代。縱不放墾於同國之漢人。彼着屐侏儒與碧眼紫髯之異國人。且將繼比人而侵入強佔有之。至是而怨牧場日蹙。生計日窘。無濟於事矣。遊牧同胞其速醒悟否乎。

(完)

調查

●綏遠農墾調查記

曾雄鎮

一、緒言

綏遠爲構成中華民國之一部分。面積有一百一十七萬餘方里。居西北之中心。無論其爲肥爲瘠。爲寒爲熱。爲中華民國之主人翁者。自應瞭然於心。如何因地制宜。以盡地利。如何招集

民人。以固邊圉。乃以前當局。多見不及此。坐令貨棄於地。適以啓外人覬覦之心。彼英人和記洋行私在察綏牧羊數萬頭。以實行經濟侵掠政策。已迭紀本刊。至日人尤絡繹於京綏道上。實地調查。歸以詔其國人。果何所愛於西北也。夫吾國移民實邊之議。倡之已久。究之西北之各種狀況。書報絕少。紀載。而道聽途說者。不曰匪多。卽曰瘠寒。以故國人聞風生畏。裹足不前。至使西北之種種事業。卒不克發展。余於暑假。特偕國立東南大學農學專家。旅行綏遠各地。分區調查。偶有見聞。筆之手冊。裊然成帙。今輒董而理之。聊以供研究西北事業者之參考。自知疏謬甚多。尙希閱者有以進而教之。幸甚。

二、氣候及雨量

綏遠城在北緯四十一度。與北京僅差一度。地勢頗高。故氣候較北京稍寒。大概十一月見冰。三月解凍。一年之中約有五閱月冰凍期間。大青山（卽陰山）以南之地。名曰前山。大青山以北之地。名曰後山。後山地勢較前山更高。且居大青山之陰。故其氣候較前山尤寒。相差二十餘日。卽先於前山二十餘日見冰。後二十餘日解凍也。在此期內。河水結冰。不能行舟。土壤凍結。不能耕作。農人現不知注重家庭工業。或冬季補習學校。惟有踞炕閒坐而已。惟蒙人身

體耐寒。猶日驅其牛羊馬等在外放牧。至於夏季氣候溫和。適等於長江流域春秋氣候。且無蚊子擾害之苦。衣服無濕霉之憂。但氣候升降甚速。往往早晚（或天雨）極涼。正午頗熱。故有「早抱火爐午着紗」之諺。此皆由綏區森林太少。致有此現象。將來作物漸多。森林普遍之時。其氣候當較為溫和也。茲列綏遠農事試驗場氣象觀測溫度表於次。

綏區十年間每月溫度平均比較表

年	月	溫度
民國	一	-13.15°
	二	-10.21°
五	一	-7.96°
	二	-7.24°
六	一	-14.02°
	二	-6.18°
七	一	-10.56°
	二	-6.88°
八	一	-13.39°
	二	-6.76°
九	一	-11.16°
	二	-9.64°
十	一	-13.06°
	二	-5.13°
十	一	-12.51°
	二	-7.88°
十	一	-11.26°
	二	-2.85°
十	一	-8.99°
	二	-1.69°
十年總平均	一	-11.59°
十年總平均	二	-6.29°

月 八 月 七 月 六 月 五 月 四 月 三

調 査	22.16°	23.94°	23.83°	14.92°	6.73°	-2.30°
	22.10°	23.20°	19.55°	14.88°	8.27°	-1.80°
	23.57°	23.21°	22.02°	14.61°	8.66°	0.63°
	21.91°	25.33°	19.32°	14.44°	8.79°	2.58°
	21.76°	25.53°	20.80°	18.21°	7.29°	1.54°
	22.98°	26.87°	21.55°	17.97°	9.67°	0.93°
	21.66°	24.31°	18.71°	15.00°	6.18°	-1.34°
	23.34°	25.69°	21.00°	13.91°	9.99°	2.23°
	21.34°	23.65°	20.56°	13.56°	7.64°	0.32°
	23.15°	27.16°	21.57°	17.57°	10.65°	3.73°
	22.40°	21.89°	20.89°	15.54°	8.39°	0.65°

由上表觀之。以陽歷一月溫度為最低。十年間平均溫度在攝氏零下十一度。(為華氏十二

(此表內係填攝氏溫度數)

均平總年全	月二十	月一十	月十	月九
6.94°	-6.99°	0.53°	9.34°	14.49°
6.91°	-11.53°	-1.18°	8.30°	16.33°
7.19°	-12.22°	0.93°	9.36°	15.65°
7.07°	-12.34°	-2.40°	8.62°	16.01°
7.11°	-10.68°	-2.71°	7.43°	16.28°
8.51°	-8.53°	2.07°	12.79°	15.67°
6.70°	-8.36°	-2.35°	8.85°	15.98°
7.53°	-8.71°	-3.20°	8.79°	14.71°
7.31°	-8.03°	-1.28°	7.49°	16.57°
9.04°	-8.60°	-1.29°	7.75°	17.26°
7.37°	-9.60°	-1.09°	8.89°	15.90°

調
查

·二度)以七月為最高。十年間平均在攝氏二十四度。(合華氏七十五·二度)全年平均為七度。(合華氏四十四·六度)較之南京溫度平均僅差攝氏七度。可知綏遠并非嚴寒之地。故凡內地所能種植之物。綏區種之亦甚暢茂。茲再列南京與綏遠溫度表於次。以資比較。

	最低溫度	最高溫度	全年平均溫度	比較相差溫度
南京	攝氏二度	二十八度	十五度	七度以上
綏遠	攝氏零下十一度	二十四度	七度	

計畫書

●西北農墾計劃私議 (續)

唐啓宇

原則既明。即可就原則作根據。以謀西北農墾改善之方法。方法維何。

一 資金之調劑。

二 水利之振興。

三土地概況之預算及計畫。

四農業之改良。

五新村之建設。

茲請分論之如左。

一資金之調劑 人生於世。資金不隨與俱來。或生席豐履厚之家。則有遺產足資憑藉。或生貧賤之戶。則欲圖奮發。每苦無其道。此所以畢生受環境之支配而末由自拔也。綏遠之畢克齊農地。號稱綏遠之沃壤。而七十三家農場之資本調查在五百元以下者。佔百分之四五。二。固陽胡雞爾梁十組農家平均資本每組纔五百九十元耳。夫西北荒地遼廓。誠與內地農人以極好之機會。使來斬荆棘闢草萊。顧令政府只計地價之收入。而對於墾民不予以充分之輔助乎。(註五)輔助農人之法。以接濟資金為第一要義。接濟資金之法。

甲、施行地產長期貸款。所貸之款以地值四分之一為度。譬如地值五百元者。貸款至多不至逾一百二十五元。如是則農人不至因缺資本過多。而限於農工及佃戶之地位。償還期限可定為二十年。年利一分。能先期償還者聽之。

乙、施行牲畜及農具等中期貸款。此項貸款專爲增加農人之牲畜及購買改良之農具而設。其償還期限定爲二年至三年。

丙、施行作物短期貸款。此項貸款專以輔助農民。使在作物時期內無虞經濟之恐慌。月利一分。其償還期限由三個月至六個月。

借貸方法。須十人以上之農人組織信用合作社。向銀行貸款。而負分擔償還之責任。但地產銀行係具永久性質。與普通銀行不同。理應另設機關。以發揮其功用。（註六）

註五。此次遊歷教堂地之蠻會陝壩等地。農工甚多。大半來自陝西之府谷。山西之河曲。直隸之保定。詢以何故不租地自種。云缺乏資本。不得受苦。亦不得受雇。夫在河套租地一頃。所需資本。不過四五十元。而多半之農人雖此微款而無之。亦可以深長思矣。

註六。農業貸款詳細情形。具見拙作（農業貸款之種類及性質）及（江蘇省辦理農業貸款之商榷）二文。

二水利之振興。治西北水利者。首重黃河。黃河發源於青海巴顏喀喇山脈間。以星宿海爲起點。經流甘肅綏遠山西陝西境內。西寧平羅間地勢極高。及至五原則流於今之新舊黃

河間。所謂新黃河者。殆多流於河套平原。河身有寬至二百餘丈。亦有狹至三十餘丈者。其水面或低至四五尺。兩旁土壤全係泥沙。大部分爲粘土。而小部分爲沙土。地勢既西北高而東南低。故沙流常向東南浸溼。河床常向東南遷移。三百年間遷移之數已達百餘里。卽最近二十年間亦達十餘里。此係大概情形。至各段河身之大小。流量之多寡。傾斜度之方向。以及破壞之情形。了無精確測量可資依據。夫欲計流量之多寡。則雨量之多寡。地勢之高低。河身之大小。及形狀溫度之高低。生長草木之性質。日光之蒸發。植物之發散。土壤吸收之程度。以及湖沼渠澤之蓄水量。不可不知也。今則觀測所未遍設於沿河各區域。一年之雨量。每月平均及最大之雨量。每日平均及最大之雨量。以及暴雨量。冰雪量。尙無統計之數目。此其困難之點一也。河經山岳之地。則其流急。經平原沼澤之地。則其流緩。地勢何處爲高。何處爲低。尙無準確之圖表。此其困難之點二也。河身大則流量大。河身小則流量小。河身何處爲大。何處爲小。尙無一定之標記。此其困難之點三也。溫度之多少。與溫度之變化。亦無確切之紀載。此其困難之點四也。五穀草木之屬。其根散布土壤中。能使流量減少。日光之蒸發量強。植物之發散量大。以及土壤或池沼溝渠之能吸收水分。均能使流量

減。當尙待調查。此其困難之點五也。但欲整理黃河。要有四法。

甲、貯水機關之設置。

乙、河堤之建築。

丙、支渠之挖鑿。

丁、河道之改良。

甲貯水機關之設置 黃河地勢既居高臨下。故沿途均可設貯水之機關。使當河流盛漲時期。有充分蓄水之可能。在河套上游甘肅地方。宜設置一極大之貯水機關。

乙河堤之建築 黃河河流。行經沙泥之地。若欲建築河堤。勢須沿河之兩岸。築五尺至六丈高之堤土。工之耗費甚屬不貲。且維持堤工之經費。年須巨款。此河堤之建築。爲無當於現在事實情形也。

丙支渠之挖鑿 黃河流於河套中。其兩岸之地離水之距離甚近。故可挖鑿支渠。以供灌溉之用。然渠道有時患淤塞者。今爲河套水利計。黃河與五加河間。應闢大幹渠一道。並分布支渠。使有供給全區水量之能力。至現在之八大渠。仍可繼續應用。

丁河道之改良。河道之改良。或浚深。或開闢。浚深與開闢。有時須同時行之。浚深處之數目。浚深處之深度。開闢處之闊度。以及挖掘材料之棄置。經濟與否。誠爲一大問題。然試思單河套一區。完全開發有七八萬頃之田。每畝征收一角。以作維持河道之用。則七萬頃田已達七十萬元。而黃河治理之後。其受益者又豈止灌溉七八萬頃而已哉。（未完）

講 演

●赴甘宣講團宣講稿

馮督辦練兵的主義

1 國家的軍隊 2 國民的軍隊

3 工兵的軍隊 4 職業的軍隊

現在馮督辦的軍隊到這個地方來。大家都已看見是狠整齊。狠勇猛。并且對人是狠和平的。但是大家必然有個疑問。他練軍隊是採取的什麼主義。他練那麼一些好軍隊是幹什麼用的。我現在對大家來解釋這個問題。分四段來講。

第一這個軍隊是國家軍隊。專門用他們預備著抵禦外侮。制止內亂。不是用他們來為自己爭權奪利的。所以馮督辦練這軍隊。頭一件就是叫士兵們個個明白國恥。像那外國人歷年來佔據了我們的什麼地方啦。租借了什麼口岸啦。平空裏殺害了我們的工人學生啦。個個都知道。個個都切記。并且無論是個官。是個兵。都有抵禦外侮。保護國家的大志願。再說到平素在國內的戰事。不是打土匪。（白狼之類）就是打復辟。（張勳之類）就是制止無理由。專爲殃民的戰爭。（古北口返兵之類）無一次不是爲國家的福利。不是爲百姓的安甯的。所以每次戰事。不是把自己現有的地位。甘願拋掉了他。（如陝西督軍。河南督軍之類）就是將豐富的。地方。讓與別人。自己甘願到荒僻地方去。（如這次既有返兵京城制止內亂的大功。自己到不要好地方。甘到察綏邊地來。）大家想想。馮督辦的軍隊十餘年來。十幾萬人。那一次戰爭是爲着搶地盤搶督軍呢。這還不是純粹爲國家的軍隊麼。

前段說馮督辦練的兵是國家的軍隊。已經講說明白了。

第二這個軍隊是國民軍隊。我說這話。並非因爲去年班師回京的時候。起了箇國民軍的名稱。纔這樣說。實實在在他那軍隊是真愛民的。是不擾民的。他看着國民與自己是一體的。

國民軍隊」四字。確是名實相符的。你如不信。姑且比較一回也就明白了。現在各處人民。一見了軍隊。那箇不生一種害怕心呢。一聽說軍隊這兩個字。那箇不起一種厭惡的心呢。你想那樣軍隊。若非令人有極難堪的事情。人民何至發生這樣心理呢。惟有馮督辦的軍隊。所到之處。人民不但怕懼他。反倒覺着有了仗恃。不但不厭惡他。反倒與他很親近。這是甚麼緣故呢。因爲馮督辦的軍隊。把愛民當自己的本職。把擾民看做終身的大恥。所以遇見土匪。必盡力勦辦。祇怕國民受了搶劫。遇有災患。必盡力救護。祇怕國民受了危險。言語是甚和氣的。舉動是很文明的。就是盤查行人。也同尋常問語一樣。毫無粗聲暴氣的態度。至於對待商家。公平交易。千里行軍。不索供應。那更不用說了。不但平時是這樣。戰爭的時候也是這樣。不但長官帶領的時候是這樣。單獨時候也是這樣。古人「紀律嚴明」「秋毫無犯」的那兩句話。真正是他的定評。所以他的軍隊。無論開到甚麼地方。沒有不竭誠歡迎的。來的時候總嫌遲。去的時候總嫌快。開到總嫌少。撥去總嫌多。書經上說。周武王伐紂。百姓簞食壺漿以迎王師。從前念到這兩句。常說後世軍隊。決不能受這樣待遇。然試看馮督辦的軍隊。和周代盛時的仁義之師。又有甚麼分別呢。以上這些話。不是我一人私見。確是大家公認的。也不是我故意奉

承。確有事實可証的。如果各處軍隊都能照馮督辦這樣訓練。既具國家軍隊的義勇。又有國民軍隊的道德。我中華民國尙有不強嗎。

前段說馮督辦練兵的主義。練的國民軍隊。現在說他第三種主義。

第三這軍隊是工兵軍隊。這話怎講呢。因爲軍隊不用着天天去打仗。那麼國家花上許多的金錢。招來這份大部的軍隊。豈不是顯然將有用之人民。置諸無用之地麼。是應該想箇正當方法。教他們平時也要歸於有用。所以馮督辦看見交通不便。而本地的紳士和人民。對於這一端也沒有辦法。於是到那裏都用他的隊伍來修路。看見那裏的河要決口。就用他的軍隊。拿上全副的精神去修堤。現在到察綏兩區看見西北一帶荒地甚多。就又用他的軍隊來墾地。如今張家口左近的一些馬路。綏遠城左近一些馬路都修好了。從張家口到多倫的汽車道。又到庫倫的汽車道。還有從包頭到五原這邊來的汽車道。都修好了。又如從包頭到甯夏的火車道。也正在由兵隊著手來修築。還有河套的各道大水渠。人民用他澆田的。也正去開挖。將來到甘肅以後。大家走的路不愁不平坦。大家用的靠的河。不怕不流通。大家左近的荒地。他的軍隊也要來開墾。開墾也就不愁沒有地種了。因爲他的兵隊住着帳棚。可以不要房

屋。吃着官餉。可以不要工資。要他去他便去。可以不要提倡。因爲有這幾端好處。所以進行很快。而且還很經濟。進一步說。他就是要用他兵隊的力量爲西北的人民開一條生計寬裕的。大道了。這就是馮督辦的工兵主義。所以說是工兵軍隊。

前三段說了馮督辦的練兵主義。有「國家」「國民」「工兵」三種。還有一種主義。聽我慢慢的說來。

第四就是職業軍隊。這話又怎麼講呢。因爲馮督辦爲貫徹他爲國爲民的宗旨。又教會兵士。都有一個職業的手藝。說到職業這句話。大家心裏恐怕就要有點詫異。以爲軍隊是打仗的。會放槍。會放砲。會打會殺。就是他的職業了。還有甚麼是他應做的職業呢。大家可是未仔細想想。軍隊要是專門會放槍放砲。會打會殺。那不會放槍砲。不會殺打的一般老百姓們。就要吃他的虧。受他的害。大家雖然是未看見過的。也總會聽人說過。那常常有土匪出來了。燒哪。殺哪。淫哪。擄哪。把好好的百姓。鬧個屋不能住。地不能耕。買賣不能做。銀錢搶空了。家室離散了。受了這種叫天不應的冤枉。也祇好受了。這些事是沒有一省沒有的。也沒有一年沒有的。大家總會想起來。這是常常有的吧。要知道這樣土匪。究竟是那裏來的。他是天生的嗎。他也

是百姓。他也知道做土匪不是好事。那麼他爲什麼偏偏要做土匪哩。老實說吧。他就是軍隊裏頭那兵們變的。兵們究爲什麼要變爲土匪呢。因爲他在軍隊裏除會放槍砲殺打外。別的事甚麼都不會。一旦遣散了。或是退伍了。或是潰變了。犯事開革了。到了這個時候。他甚麼職業都沒有。就不能謀生了。不能謀生。他就要飢寒起盜心哪。做出土匪事情來了。所以我們做百姓的總怪兵不好。要知道那一般耀武揚威的官們。他就是造就土匪的人。我們馮督辦他從治軍以來。就把這「職業」兩個字散在兵身上。無論甚麼工作。甚麼手藝。都要教兵學習的。大凡民間應有的工藝。兵們差不多都會做的。到處立的工廠。出品也很精很良。是人人知道。的。這種軍隊好處很多咧。分開說。(一)兵士有了職業。到不當兵時候。他受過職業教育。無論甚麼工藝。他可與百姓一樣安心耐勞去做。不但自己謀生。也可贍養家室。他就有上進思想了。你教他當土匪他也不去的。(二)國家常患兵多。就是常常說的多了一個兵。就多了一個土匪。照馮督辦這樣辦法。多了一個當兵的人。就是多了一個有職業的百姓。就教全國人人都**是兵**。那到是全國人人都有職業了。沒有游民了。還有幾句話。總括以前的那些話。向天家說說。作個講演的收局。就是這種「國家軍隊」「國民軍隊」「工兵軍隊」「職業軍隊」作一句

話說。是救國救民軍隊。馮督辦的宗旨也就是這句話哪。大家們可是要知道的。(完)

特 載

●籌辦西北墾務大綱

西北土地肥美。物產豐富。世所豔稱。然天惠雖厚。人力未興。貨棄於地。良可惜也。馮督辦開發西北。以墾務爲唯一要政。創設墾務籌辦會。並派部隊作模範之兵墾。各省移來墾民。亦達萬人以上。中外人士前來調查者。莫不十分贊美。各省預備移墾者。尤爭先恐後。索閱墾務章程者。亦紛至沓來。本刊應國人之需要。特爲全部刊佈如次。

第一篇 總則

第一條 西北墾務爲開發國家富源。遷移貧民軍隊。興辦農林。繁殖畜牧。加以教育。爲正德利用厚生之本。且以鞏固邊圉爲宗旨。

第二條 於農墾以外。推廣交通。疏濬水利。改良各種事業。提倡互助精神。以增進人民之福利及智能。

第三條 革除向來開墾隨地而居。戶口散漫之弊。在荒地適中處建築農村。每百戶至百六

十戶爲一村。每村戶少恐自衛之力弱多則所佔田畝多而距村遠不便耕種故以茲數爲適宜以便實行保護管理教育各方法。

爲自治模範之基礎。每若干村。察量情勢。於適中地設一新鎮。以行鎮自治。

第四條 前條農村辦法。於移民之先。每戶劃給宅基一畝。畫給宅基一畝者除住房以外可作牧養牛羊圈之用以兵

工各爲造房三間。但因時宜亦可先爲造房二間以求省費以便墾戶到地安居。其餘應用房屋。令墾戶各於農

暇。按照程式。自行增築。

第五條 農村周圍築堡。以土爲之。堡外爲浚壕。壕外爲園林。村南畫地爲蔬圃。又南爲公共

林場。村北爲公共堆糞場。村中不得堆積人畜糞以求衛生設於村北所以避風以防臭氣冬則雖有北風而冰凍故無臭也又北爲公共

牧場。村之中心。建村會。學校。警察所。工廠。市場。公共碾磨房。飲水井二。各照畫區計畫營造

之。村中有公共堆糞場。諸作肥料。每年均攤分用。又有公共林牧場。由村中共同經營。提倡互助精神。以發達村政。以其所得之利。充村中教育。自治。警察。工藝。及各公益費。所以減輕墾戶直接負擔。

直接負擔

第六條 墾戶授地方法。旱田在察哈爾區者。每戶授田平均一頃二十畝。察區向例以三百六十弓爲一畝。有

上中次三則之分。茲定上地戶授一頃中地一頃二十畝。次地一頃四十畝。以求平均。水田在綏遠區者。每戶授田一頃。綏區向例以二百四十弓

爲一畝此係河套地每年用渠水灌地一次即可耕種故概稱水田其授田方法以抽籤定之與領房抽籤同時並舉。

第七條 墾戶皆按省招集某省之民即令同居一村以求言語交際之便某省墾戶應居某村及某戶應佔某號房均以抽籤法定之。領房領地及占村各用抽籤法定之者所以防爭佔不均之弊

第八條 墾戶資格以確係善良農民年在二十二歲以上五十歲以下娶有妻眷力能耕作無廢病惡病及吸食鴉片賭博嗜好者爲合格。

第九條 前條墾戶資格詳訂規則並擬定每次所招戶數由西北邊防督辦通知應行移民省分之長官令縣知事遵照辦理凡應募之墾戶須得妥實保人具保於縣公署註冊後聽候招集其承辦人員概不得有絲毫勒索及藉端延宕行爲違者由本省長官查明懲辦。

第十條 招墾方法除由西北邊防督辦署遴派宣傳員向各省宣傳接洽外商請各本省長官派官紳會同辦理其宣傳員兼負招待護送之責以資熟悉即爲本署招待員。

第十一條 各省墾戶按數招齊後由西北邊防督辦商定移送期限經本省送至附近火車站由交通部飭局用專車運往指定地點沿途概由招待員照料護送。

第十二條 墾戶乘火車其車價照交通部所定規則減收臨時由西北邊防督辦向部商定

宣布。通知各省照辦。

第十三條 每一墾戶到荒地時。由公家資助牛具籽種等費。其數以款之多寡。臨時酌定公布。至發給方法。照另訂規則辦理。

第十四條 墾戶占用公家所建房屋牛具籽種及代墊地價等費。皆於墾戶開地播種收穫之年。起分五年攤還。其房產地畝即爲墾戶永遠產業。但攤還公款。如遇荒年。得酌量展期。

第十五條 各省墾戶滿百戶以上者。准由本省携帶應用之木匠瓦匠石匠鐵匠窯匠等工若干同行。人數多寡。臨時與宣傳員商定。其乘火車及沿途招待與墾戶受同一待遇。到荒地時。準自由作工營業。與墾戶同居農村。以示優待。但不別給資助等費。照另訂規則辦理。

第十六條 凡蒙古人有願赴鄰近荒地開墾者。以合移民墾戶資格爲限。報由該蒙旗商准西北邊防督辦一律准其開墾。其在農村領房領地及公家資助牛具籽種等費。與各省墾戶受同一待遇。

第十七條 凡客籍人民。合於第八條所定墾戶資格。欲往開墾。距該管縣籍過遠。不能直接報名者。經妥實保人具保於所在官署。亦准前往。但其戶數不得過於每次移民總戶數二

十分之一。

第十八條 凡各省移民。係擬定整數招募。往大段荒地畫區開墾。如畫區結果於大段地中除移民應占之畝數外。尚有贏餘。如數頃至十數頃者。即以前條規定之墾戶。分領補充其數。以免荒廢分配不勻之弊。其墾戶准住農村。受同一待遇。

第十九條 各農村設立警察所。輔以鄉團。維持治安。在警察鄉團未成立以前。由西北邊防督辦酌派軍隊保護之。

第二十條 每農村設村長一。管理一村事務。每鎮設鎮長一。監督指揮各村長。總理所管各農村及本鎮事宜。各照另訂規則辦理。

第二十一條 前條村長鎮長人員。特設傳習所。加以教練派往。其未畢業以前。各村鎮事宜。皆由臨時管理員擔任之。此項臨時管理員。由西北邊防督辦遴派。

第二十二條 各農村建築工程。先由西北邊防督辦調用軍隊擔任。並任開渠及建築招待所一切事宜。其軍隊仍領原餉。但每月酌量津貼伙食並開拔費。另行規定辦理。

第二十三條 凡經指定應行開墾之荒地後。即組織調查隊。由隊長率領前往測量地形面

積。查勘道路交通。辨別土質氣候。選擇設村地址及其他應行調查事項。照另訂計畫辦理。

第二十四條 前條調查。各由察綏兩區派勘丈員。及熟悉地方情形人員。會同調查員。先行畫區。按照農村戶數。以其共有畝數。加村基道路一切公用地畝。畫爲一段。各立標誌。繪圖附說。照畫區計畫辦理。

第二十五條 凡經派往各省宣傳員及招待員。各分組辦理。每組以一人爲首領。分配人數。將荒地地點。交通。設村。資助。氣候。土宜。耕種方法。及其他規定事項。詳細說明。其宣傳方法。分爲二種。一派人宣傳。二寄印刷品及登報宣傳。照另訂計畫辦理。

第二十六條 爲沿途招待各省墾戶。在北京西直門外京綏路車站傍。建築招待所一處。以便墾戶住宿。張家口車站傍。及包頭車站傍。各建招待所一處。各車站招待所。由招待員臨時照料。

第二十七條 墾戶耕種於農暇時。在農村特用專員。教其識字。并常時講演。培養道德及農民知識。其他關於村治。學校。警察。工藝。衛生。林業。畜牧。獸醫。等事。特設各項傳習所。培養人才。以資辦理。

第二十八條 除由各省移民開墾外。同時並以軍隊各畫荒地一段。實行屯墾。仍領原餉。酌給開拔費及牛具籽種等費。亦照農村制度。建築房屋居住。半日操練。半日開墾。三年後分別退伍。各按戶領房。卽爲平民。與各省墾戶受同一待遇。亦以有妻眷同居爲限。

第二十九條 凡民墾兵墾皆暫分三期辦理。以民國十四年爲第一期。十五年爲第二期。十六年爲第三期。但第一年籌畫民墾。屯墾作爲模範。先行試辦。如能籌集鉅資。則變更第二期三期辦法。另作大規模計畫。推廣辦理。

政聞錄

●最可寶貴之時間守約會

▲最可寶貴者莫如時

▲願國人均奮起力求時間上之經濟

我國本以愛惜時間著。如夏禹惜寸陰。陶侃惜分陰。文王不遑暇食。周公坐以待旦。孔子終夜

不寢。專制如始皇。尙視朝以傳餐。猶介如尾生。至抱橋而不去。皆其顯著之例。乃近年士夫。驕怠成風。玩時愒日。毫不愛惜光陰。甚者花天酒地。俾晝作夜。泄泄沓沓。醉生夢死。小則遺誤事業。大則騰笑友邦。言之深堪于邑。今察區各機關。仿昔年督辦都統勵精圖治之意。特設時間守約會。實行已數月。成績卓著。挽既倒之狂瀾。作晨昏之鐘鼓。望全國同胞聞風興起。力求時間上之經濟。國其有瘳乎。茲將其辦法列左。

(一) 發起旨趣。——學問無涯。分陰當惜。事功未畢。寸晷宜珍。本區同仁。因謀感情之通。時有聯歡之集。每勞久佇。或至誤時。應立約章。備同遵守。我督辦都統。昔年駐節中州。同仁曾有時間守約會之設。成規具在。前事可師。爰仿舊章。重標新職。宗旨在敦誠信。範圍不事擴充。總期刻晷無荒。公私交便。雞黍有約。信巨卿之必來。風雨載途。期卓恕而果至。是即發起本會之微意也。

(二) 簡章。——(甲) 本會爲講求時間經濟。辦事便利。及愛惜光陰起見。組織斯會。以資遵守。(乙) 凡本區各機關錄事以上職。均得爲本會會員。(丙) 本會設名譽會長一人。正會長一人。副會長一人。或二人。主持本會一切事務。(丁) 本會因切實進行。特設糾察評議幹事各股。股員不限名額。(戊) 會員應守之規約如下。(1) 擬定每日起居飲食自課辦公應酬等預算表。切實遵行。(2) 隨身攜帶準確時計及記事冊簿。(3) 購備關於時間

和動作問題的書籍。時時閱覽。(4)各種集會除非常緊急外。至遲須於二十四點鐘以前發送通告。因事不能赴約者。須於預定時間半點鐘以前聲明理由。(5)婚喪節壽之外。不作尋常宴會。如以特別事故。必須宴會者。概以二小時爲限。(6)彼此訪晤送迎。概在客室以外止步。爲避免被訪者事忙或外出不能隨時接待來賓之不便。應預先函達或電約準時。以免徒勞往返。倘約定相晤時間。而臨時或有一方不克踐約者。得以電話或其他方法聲明理由。改約會晤時期。(7)訪時在公之會員坐談不過二十分鐘。如非因要公而願作清談者。須向主人預先請求。得其允許。但因要公會商時。不在此限。(8)被約赴各項會集聽講等事。應於預定時間十分鐘以前蒞場。設臨時遇有特別事故。致有爽約時。得於到場時聲明理由。但至遲不得過十分鐘。逾限以違約論。(9)往來動作。擇經濟之方法。遇事互相勸導。(10)本會事權。專在守約惜陰。不涉及政治範圍。(己)會員不遵會約。經糾察員報告評議股通過時。每次處以下所定罰金。並宣布其姓名。簡任實職或簡任同等階級者。罰洋一元。薦任實職或薦任同等階級者。罰洋五角。委任實職以下罰洋三角。上項罰金。由會計員收存。俟月終彙結一次。除本會開支經費外。下餘擬購相當之紀念品。存留會中。俾資觀感。而知儆惕。(庚)本會開辦費由發起人籌墊。經常費

由會員酌量担負之。(辛)本會會期分通常臨時兩種。通常會在每月一日下午四時開會。臨時會由會長於必要時臨時召集。(壬)本會會期正會長因事不能到會時。得照章於事前聲述原因。由副會長爲臨時主席。(下略)

●西北之救國救民大計

1 責成各官吏盡公僕之責

2 攷查地方情形各陳意見

西北當局。近慨地方應興應革之事。不一而足。特訓令各級地方官。一面竭力經營以盡公僕之職責。一面將各該地情形詳細攷查呈報。以備選擇施行。略云。國家設官所以爲民。官吏者。人民之公僕也。凡民間一切應興應革諸端。惟賴各官吏擘畫經營。勤求治理。以勉盡公僕之責。庶幾利可以興。弊可以革。苟平素漫不經心。徒仍舊轍。勢必百政無由進行。地方終無起色。不但非國家設官之意。亦甚非本督辦望治之心。環顧察綏兩區。土質肥沃。物產富饒。盡力開發。乃根本救國救民大計。所當創辦之端。不一而足。雖從前亦曾講求新政。開闢利源。迄無若何進步。急應及時改革。以免再誤時機。各廳道處以及各縣局長等。身任地方之責。耳目較近。

體察必詳。速將各該地方情形。詳細攷查。何者當興。何事當革。各陳意見。以備本督辦選擇施行。是爲至要等語。其愛民之政績。革新之精神。卽此可見一斑。

●西北要聞一束

▲陸洪濤棄職東下

▲馮督辦通電就職與出巡包頭

陸洪濤棄職東下。陸氏與各鎮守使屢發生意見。此次易督命下。各鎮守使及省議會與各界。對陸尤多責言。陸自知不能維持。乃以養病爲名。於上月三十棄職東下。蘭山道道尹楊思有電報告執政與馮督辦。電云。(上略)前陸仙帥因久病未痊。亟思東下就醫。業於上月三十將省長印信交思護理。代行軍務督辦劉郁芬師長又未到蘭。所有關防亦交思暫代。……謹俟劉師長來省。卽將督辦職務移交。俾專責任。(下略)此可見陸氏之棄職。及甘省內部情形矣。馮督辦因於一日就職者。蓋以陸氏棄職。負責無人。故囑蔣參謀長在甯夏正式通電就職。以維甘省秩序也。繼任者已任命薛篤弼。聞將不日履新云。

馮督辦通電就職。馮督辦自奉命爲甘肅督辦軍務善後事宜後。久未就職。迄至北京甘肅

兩方函電交催。星使載道。始命蔣參謀長鴻遇。以代拆代行督辦名義。偕劉師長郁芬前赴甘省。迨陸出走。遂於一日就職。電云（上略）八月二十九日。奉執政令。特任馮玉祥督辦甘肅軍務善後事宜。仍兼西北邊防督辦此令。等因奉此。竊玉材祥輕任重。已虞隕越。更領兼圻。益凜冰淵。惟有竭盡智能以謀西北各省人民福利之實。謹於十月一日暫行就職。尙乞時加督責。惠予指導。俾有遵循。以固疆圉等語。另有電致政府報告就職云。

馮督辦出巡包頭。馮督辦於七日午十二時抵站。與送行者張都統及各機關長官握手畢登車。態度極爲從容。是日祇抵豐鎮。次集寧。最後始抵包頭。沿途并視察民政。檢閱軍隊。或將移治包頭云。

大事記

●國內大事記

嘯岩

十月三日●三國委員業已到滬○英國司法調查委員高蘭。美國司法調查委員約翰生。均於本日晨間由香港抵滬。日本司法調查委員須賀喜三郎亦於昨晚抵滬。聞不願我國之反對。準於七日起開始調查云。●各省電報局復工○

電局罷工。現雙方條件磋商妥協。滬津昨已復工。各埠亦陸續復工云。

四日●魯境黃河水漲不已○黃河前在上游黃花寺決口。淹沒千餘村落。現在魯境連日增漲。丁莊朱口等處均告急云。

●英工黨年會援助我國之建議○英工黨年會建議主張。英政府須視中國為獨立國家。且中英兩國以前成立之一切條約。應一律從新加以致慮修改云。

五日●總檢察官汪敬棠請檢舉金佛郎案○金佛郎案舞弊。外間嘖有煩言。後由總檢察廳長汪燦芝指派汪敬棠辦理。現已偵查完畢。呈復司法部及總檢察廳。略謂於查辦有無受賄證據之時。發覺該案有損害國庫之點。據其計算。只就法國一國而言。國庫損失已有八千餘萬之多。若合其他援例要求之各國而言。則總數實達一萬二千餘萬之巨。辦理此案之當局。為財政交通二總長。應請即行檢舉歸案訊究云。

六日●英美日司法調查委員之通告○謂受各國外交公使委託調查事項。(1)五卅風潮之起源及性質。(2)是否有搗亂之預兆及理由。(3)已取及可取之預防方法。(4)彈壓之方法。(5)死傷者所有之環境。請各國人士親到或派代表到會。呈述關於上列各項之證據。俾便進行。觀此則將六國委員會所調查證據。根本推翻矣。

七日●漢案先決條件含糊結束○漢案先決條件。胡鈞與英領已含糊結束。俟交蕭耀南及外交委員會通過後。即定期訂約。●滬總商會對滬案重查發表宣言○滬總商會發表宣言。反對滬案重查。並請政府嚴重駁覆。促全國一教起為後援。

八日●顏惠慶為駐英公使○執政任命顏惠慶為駐英全權公使。並加全權大使銜。●使外九代表力爭關稅自主○徐

樹錚王寵惠陳籙王廣圻魏宸組王景歧王景春黃贊熙朱兆莘等九人。聯名來電。請全國上下一致。力爭關稅自主。內中有不能聽人以抽收七五。束我自由。倘徂於目前小利。則束縛屈辱。必延及子孫。況修改條約。即華府條約。亦在修改之列。今稅會由我召集。稍有退讓。則對要求修約之理由。不啻自相矛盾。

九日●中日文化委會今日舉行開會式○中日文化委員日委員均到齊。昨日兩國委員會晤。決於今日午後在北海廳心齋舉行總委員會開會式。●使團僅允修改工部局組織○使團對於工部局照會外交部。只允改正工部局之組織。與華人以參政權。其內容甚為廣汎。

●國外大事記

十月三日●美法債務問題告一段落。○法美戰債問題。已成立一臨時協定。法國允於五年內每年付還美國四千萬元。至五年末。法國付債能力。須再討論。●日本中部大水災○日本中部發生奇重雨災。為五十年來所未有。狂雨如注。繼續至三十六時之久。鐵路電車電話電報交通完全斷絕。生命財產損失甚鉅。東京皇宮之一部。亦在水中云。

四日●國際議院聯合會開幕○柏林電。國際議院聯合會。昨在美國衆議院舉行開幕禮。美政府派葛洛為代表參與。

五日●互障會議今日開幕○歐洲互障會議。定於今日在羅加訥開幕。並先討論有關於萊因河之一切條約。

六日●英艦集中希臘海岸○英國地中海艦隊戰艦三十艘。已集中希臘東海岸近佛羅灣之處。調艦之原因。係莫索爾煤油問題之風雲危急云。

七日●日本海軍秋操○日本海軍秋操。自五日起在太平洋沿岸舉行。期限十天。參與操演者。有日本各式戰船一百一

十九隻。內有最新式戰艦六隻。巡洋艦三隻。驅逐艦四十隻。潛水艇三十隻。與前美國海軍大操東西相照映。將來太平洋之日美海權競爭。正不知何日爆發云。

八日●東京失業人數官報○日本十月份正式戶口報告。內載東京城內之日本失業人民已達一萬零五百五十名。

九日●摩洛哥會軍反攻○提道安城。昨被西法聯軍奪去。現摩洛哥克里木將軍所統率之里夫會軍日以火砲向該猛烈轟擊。居高臨下。形勢頗為危急。

雜俎

詩

遊道吾山口占

吾存

杖策身疑入畫圖。扶搖上不倩人扶。吾山依舊青如許。是否今吾勝故吾。
百尺蒼松夾亂峯。洞天十里白雲封。問津怕有漁郎入。不種桃花祇種松。

道吾山

引路松

落花詩用王船山韻

姜性梧

一墮花叢夙願乖。色香隊裏絕安排。魂銷棄穢蓮空褪。仙去留裙皺未揩。明月獨邀人影散。東方深鎖畫簾埋。藩茵榮悴皆塵土。踏遍三山舊佛鞋。

鬱鬱繁英委綠苔。春心無語總成灰。碧新上苑痕留血。果証前身帶有胎。鈎弋回頭猶戀澳。羅敷矢死枉登台。是耶非耶翻

翽去。悔向三山踏月回。

散向諸天結習空。人間生滅等閒中。相依尙憶承朝露。薄送何心怨谷風。舞蹈揚塵隨野馬。雪泥留爪印飛鴻。細腰高髻猶纏樹。薄倖阿誰學楚宮。

嫵媚臨風力不支。折腰誰復效顰眉。寂寂乍驚門已閉。珊瑚遙望影來遲。王孫歸隱同春暮。神女生涯有夢知。棟苦漫傷風信杳。佳期報汝占魁時。

益昌中秋感懷

袁家普

絕好韻華似水流。人生幾十幾中秋。休言國難何時定。且把詩情對月抽。萬里河山三尺劍。百年勳業一扁舟。英雄從古多天幸。際會風雲不自由。

詞

陌上花

鄭叔瀛

素娥霜影。瑤宮萬里。夜來還覩惆悵。人間咫尺都成淒阻。瓊箋寫盡詩裁盡。未了相思心苦。悄聽來杜宇聲聲。還要催他春去。爲問江南花信。揚州明月。何似楚天風雨。蘼徑深幽已斷。青禽來處。桃花又付東流水。人事更疑憑據。願萬絲新柳。千重蘇幕。再留春住。

菩薩蠻

鄭叔瀛

湘樓住有傷春客。垂楊偏向樓邊植。軟翠一絲絲。可憐春雨時。杜鵑聲更急。悄背東風立。知我此時情。海棠花上鈴。

青玉案

鄭叔瀛

桂華凝露秋香冷。誰把花前人問。薄霧濃雲涼意緊。湘樓寥寂綺衾單。怯偏我懨懨病。香燒心字成灰燼。院落閒蛩清夜永。好夢悠悠無定。準霜華濃處。煩君記取休上潘郎鬢。

月華清(秋砧)

鄭叔瀛

月瘦宜懷。露濃防履。翠苔新破深徑。拂向涼陰。暗覺玉纖寒凝去。縱橫塘蓮藕花濃。料霜杵鴛鴦驚醒。愁損正孤懷寥寂。不堪回省。會記燈前并影。是碧海清澄。間愁未領。誰解年來瘦石聲聲淒哽。要征衣不寄榆關。除虜騎盡離蔥嶺。人靜。忍憑砧悵望。翠河星耿。

陂塘柳(辛丑夏別叔乾重有所感)

鄭叔瀛

悵無端畫堂簫鼓。驪歌翻入新譜。千山一樣浮嵐影。蕩作東西情緒。揮手處。況正值參差吹斷江南雨。鶯期頻誤。想策騎歸來。西窗午夜。翦燭共誰語。人間事多少。滄桑塵土。歡場還復愁予。藤牀待話關山夢。又把離尊斟與君且佇。試極目燕山風雨。榆關霧何堪自撫。約萬里皇州翠帆張起。鼓棹渡江去。

蝶戀花(春雨)

鄭叔瀛

鍊石千年天未補。畫閣春回。鎮日廉纖雨。暗幌孤燈無意緒。纏綿似訴離情苦。冷冷清清花外路。共說芳春。沒見春芳處。無力東風吹不去。良辰草草愁邊度。

秋波媚(黃州春雨)

鄭叔瀛

江雲愁鎖暮春天。啼眼斷湘川。淚和雨注。魂隨風轉。一晌無眠。蘼蕪祇把歸程綠。歸思有誰憐。傷春小杜。懷鄉坡老。幽恨同傳。

江南好

鄭叔瀛

闌干外。淒絕素娥魂。記得那時今夜裏。娟娟來照隔花人。花底佩香溫。

聲聲慢（殘菊）

鄭叔瀛

霜烘艷采。月繪秋痕。依依寒夜。離落漫拾殘英。拚與愁心吞却。西風暗驚瘦影。悵無端。輕黃漂泊。歛鏡裏。祇玉人簪上孤懷深託。記省風流陶令。是倦旅歸來。訂將香約。彷彿花靈。重被蝶欺蜂譖。冷冷露涼幽徑。問誰知情懷悽惡。君念否。早潘郎鬢影。爲君愁着。

●格言

禮義治人之大法。廉恥立人之大節。蓋不廉則無所不取。無恥則無所不爲。爲人而若此。則禍敗亂亡亦無所不至。顧亭林

吾人。不以金錢財產。貽子孫。所貽于子孫者。金錢所不能購買。財政所不能積蓄。卽敢爲活潑之精神。獨立自治之能力而已。英諺

●涼城游記

辜澄庵

余此行由張家口起程。經過山西大同及察屬豐鎮集寧至涼城。距張垣約七百里。本察哈爾八旗舊地。山川景物。與中土無殊。惟山溪無水。平時作道路。雨時暴漲而已。多廣大平原湖泊。土極肥沃。農民種植。向不用肥。次等以下。間年易種。此爲

內地所不及。農民勤儉樸厚。猶有唐風。余一路所見山坡平壤。無不墾闢。植物爲菽麥小麥高粱稷黍豆類。而胡麻菜子爲出產大宗。三月末下種。六月已熟。時正青黃被野。收割未畢。農民衣食住三項。格外單簡。衣僅粗布襤褸。六月間尙上單衣而下綿褲。食以菽麥爲大宗。余等食之不能消化。而土人非此不飽。旅行此間。令其做白麪食。極粗糲而多砂。又鮮菜蔬。大感困難。多穴山而居。尙有古風。亦有聯村莊數十百戶者。室均土築。不用茅瓦。余恒覓大戶投宿就食。見其房如一城門洞口。頂爲圓形。通以隧道。穴壁取光洩烟而已。炕卽傍窗。灶卽傍炕。有甚富者。炕上鋪白氈。壁間嵌朱漆大櫃長箱。缸灶等件甚精潔。真異俗也。余有詩云。山下有田田下屋。室中如壙壙中人。鶉居鳩處皇淳俗。陶穴穹廬代北民。此可以狀其生活矣。而房室之外。均有大院落。畜馬牛羊驢騾犬豕鷄等。但馬牛羊亦無大宗畜牧者。往來老少均騎馬。負重則駕以四馬大車。每見童子跨無鞍馬而馳。或馬牛羊羣被野。輒心焉羨之。民俗雖樸陋。而天賦之富源甚巨。實移殖之絕好地方。此間移民。均直晉邊民。自然侵入。無有組織。故雖殷富而無文明氣象。惟一遇外人雜處。則大不同。教堂之發達極盛。彼等皆於二十年前初開墾時來此。以極賤價（每畝地銀數兩）獲得千頃或數百頃之地。因而招墾傳教。至今則成都成邑。宮室村鎮。井井有條。爲口外極大勢力範圍。以比國人爲最多。美英法意次之。余過涼城時。其中有一大海子。長五六十里。水鹹不生魚介。風景極佳。而池東鹽灘。均屬教產。每歲收入巨萬。教民之富者。資產數十百萬。余甚驚訝。鹽田本國家之利。乃亦併荒地而入於教堂之手。今已噬臍無及矣。（此塊間每日產數萬斤行銷豐鎮涼城等縣）余觀察境荒地。墾殖殆遍。難以插足。目下上地每畝價十五六元。中地下地亦在五元上下。惟開綏遠所管之五原地大而賤。土沃人稀。且河渠甚多。適於灌溉。可仿南方種稻。如有餘力並可參做北方之畜牧。以爲副產。實吾人另謀生活最好之新世界也。

敬啓者本社以西北地方面積占全國之半。而地廣人稀。交通阻滯。國人耳目遠隔。殆久視同化外。邇幸西北當局銳意經營。凡關於移墾交通教育實業各政策。國人均異常注意。馳東探詢。絡繹不絕。每苦事冗不暇裁覆。良用歉然。兼自滬案發生。此間對外尤極激昂。經濟絕交。實行數月。到底不懈。頗足爲國人增氣。全國視聽早已爲之一傾。而外埠各報。祇以關山遙阻。致多語焉未詳。同人等忘其譎陋。特應時勢需要。創設本刊。原期共見共聞。與國人以總答覆之機會。業已發行數冊。奉塵左右。謬承各界歡迎。郵函訂購者尤應接不暇。供不應求。且感且愧。當益策奮力求進步。爲此徵集。台端雅意。倘辱過愛。愿閱長期。則請將左列訂單。填寄本社。自當源源奉寄。藉領教益也。此佈。臆順頌。日祉。

西北彙刊社啓

茲訂閱

西北彙刊自第

期起至第

期止計洋

元

角

分

連同郵費洋

元

角

分

共計大洋

元

角

分一併

寄上希卽

查收掣發收據按期照寄爲盼此致

姓名
住址

台照

中華民國

年

月

日

西北彙刊訂單

本刊價目

每期一冊銅元八枚 每月四期大洋一角 半年二十六期大洋五角五分 全年五十二期大洋一元 郵費本國及日本每期一分 歐美各國每期四分 倘欲訂閱者請將訂單裁下。填列姓名住址。連同價目郵費款項。寄交張家口小營房街本社。自當按期寄奉不誤。（訂報函件。務請掛號。空函恕不奉覆。）

西北唯一之週刊
西北彙刊欲謀普及 闢為公共言論機關 故半購半送

本刊每週出版一冊約萬五千餘言內分影片研究評論譯著調查計劃演講政聞錄大事記特載雜俎等材料豐富主張穩健調查翔實編輯審覈定價低廉（祇收回紙本半價）寄送迅速凡注意西北者不可不手一編也

張家口小營房街一號西北彙刊社